

***IKHLASlink* Lady Secure Takaful Rider**

1. **IKHLASlink Lady Secure Takaful Rider**

Melindungi ketidaktentuan kehidupan. Dengan *IKHLASlink Lady Secure Takaful Rider*, wanita diperkasakan dengan keupayaan untuk melindungi diri kerana mereka memainkan peranan yang cukup besar dalam masyarakat, sama ada dalam institusi kekeluargaan atau dalam dunia pekerjaan yang kompetitif. Pelan ini meringankan beban kewangan mereka khususnya untuk musibah penyakit berkaitan wanita.

Ini adalah rider yang berunit deduktif yang boleh disertakan kepada pelan-pelan Takaful berkaitan pelaburan di mana Sumbangan Takaful adalah berkala.

2. **Apakah perlindungan / faedah yang disediakan?**

i) **Penyakit–penyakit Khusus Wanita**

a) **Kanser Berkaitan Wanita**

Jika Orang Yang Dilindungi sebelum tarikh Matang/ Tamat dan sebelum mencapai umur lapan puluh satu (81) tahun hari jadi yang akan datang, pertama kali didiagnosis dengan mana-mana salah satu daripada Kanser Berkaitan Wanita yang dinyatakan di bawah, 100% daripada Amaun Perlindungan akan dibayar. Selepas itu, Sijil Takaful Tambahan ini akan ditamatkan.

Senarai Kanser Berkaitan Wanita yang Dilindungi
1) Kanser Payu Dara
2) Kanser Serviks Uterus
3) Kanser Tiub Fallopio
4) Kanser Ovari
5) Kanser Uterus
6) Kanser Vagina / Vulva
7) Lupus Eritematosus Sistemik Dengan Komplikasi Buah Pinggang Yang Teruk

b) **Penyakit Berkaitan Wanita**

Jika Orang Yang Dilindungi sebelum Tarikh Matang/ Tamat dan sebelum mencapai umur lapan puluh satu (81) tahun hari jadi yang akan datang, pertama kali didiagnosis mana-mana satu Penyakit Berkaitan Wanita yang dinyatakan di bawah, tiga puluh peratus (30%) daripada Amaun Perlindungan akan dibayar secara pra-bayar. Baki Amaun Perlindungan akan dibayar sekiranya Orang Yang Dilindungi didiagnosis menghadapi mana-mana satu Kanser Berkaitan Wanita seperti yang dinyatakan di bahagian 2 i) a). Selepas itu, Sijil Takaful Tambahan ini akan ditamatkan.

Senarai Penyakit Berkaitan Wanita yang Dilindungi
1) Karsinoma-in-situ Payu Dara atau Serviks Uterus
2) Arthritis Reumatoid dengan Komplikasi
3) Pembedahan Rekonstruktif Payu Dara akibat Kemalangan
4) Pembedahan Rekonstruktif Muka akibat Kemalangan
5) Pemindahan Kulit akibat Kanser Kulit
6) Fraktur Osteoporotik

ii) Manfaat-manfaat Kehamilan dan Bersalin

Jika Orang Yang Dilindungi sebelum Tarikh Matang / Tamat dan sebelum mencapai umur empat puluh enam (46) tahun pada hari jadi yang akan datang, pertama kali didiagnosis dengan mana-mana salah satu daripada peristiwa yang dinyatakan di bawah, 100% daripada Amaun Perlindungan di bawah Manfaat Kehamilan dan Bersalin akan dibayar. Selepas itu, manfaat ini akan ditamatkan. Amaun Perlindungan di bawah manfaat ini adalah 30% daripada Amaun Perlindungan di bawah *IKHLASlink* Lady Secure Takaful Rider, tertakluk kepada maksimum sebanyak RM45,000. Manfaat-manfaat ini akan dibayar secara tambahan kepada Amaun Perlindungan bagi *IKHLASlink* Lady Secure Takaful Rider.

Komplikasi Kehamilan:
1) Kematian Orang Yang Dilindungi dalam tempoh 42 hari selepas bersalin
2) Kematian Neonatal dalam tempoh 28 hari kelahiran
3) Lahir mati selepas 195 hari kehamilan
4) Penamatan kehamilan ektopik
5) Penyebaran Penggumpalan Intravaskular

Penyakit Kongenital Bayi:
1) Sindrom Down
2) Spina Bifida
3) Tetralogi Fallot
4) Transposisi Saluran Utama
5) Lelangit Rekah

Manfaat-manfaat Perubatan & Hospital
a) ICU/ HDU untuk Kelahiran Prematang Sebelum Sijil Takaful Tambahan Matang atau Tamat, 0.3% daripada Amaun Perlindungan akan dibayar sehari, sehingga maksimum 30 hari untuk ICU/HDU untuk kelahiran pramatang.
b) Bantuan Inkubasi Kelahiran Awal Sebelum Sijil Takaful Tambahan Matang atau Tamat, 0.1% daripada Amaun Perlindungan akan dibayar sehari, sehingga 60 hari untuk bantuan inkubasi kelahiran awal.

3. Berapakah jumlah Sumbangan Takaful yang perlu dibayar?

Tiada Sumbangan Takaful tambahan yang dikenakan ke atas Rider ini kerana caj Tabarru' akan ditolak daripada Dana Unit daripada Sijil Takaful Asas. Walau bagaimanapun, caj Tabarru' adalah TIDAK DIJAMIN dan boleh berubah dari semasa ke semasa dengan memberi tiga (3) bulan notis kepada Peserta Takaful sebelum ulang tahun Sijil Takaful.

4. Apakah yuran dan caj yang perlu dibayar?

- Yuran Wakalah - tidak dikenakan.
- Caj Tabarru' akan ditolak daripada Dana Unit daripada Sijil Takaful Asas (melalui penolakan unit-unit mengikut harga unit) dan Cukai Barang dan Perkhidmatan (CBP) akan dikenakan ke atas tabarru'. Tabarru' akan meningkat seiring dengan peningkatan usia Orang yang Dilindungi. Butiran amaun tabarru' dan lain-lain caj untuk pelan ini adalah seperti yang dinyatakan di dalam ilustrasi manfaat.

5. Syarat dan Had Umur

Umur Kemasukan:

Peserta Takaful: 18 – 70 tahun, umur pada hari jadi akan datang

Orang Yang Dilindungi:

- 18 – 50 tahun, umur pada hari jadi akan datang (bagi *IKHLASlink* Lady Secure Takaful Rider)
- 18 – 36 tahun, umur pada hari jadi akan datang (bagi Manfaat-manfaat Kehamilan dan Bersalin)

Had Amaun Perlindungan:

- *IKHLASlink* Lady Secure Takaful Rider:
Minimum: RM10,000
Maksimum: RM150,000 atau 5 x Amaun Perlindungan asas, yang mana lebih rendah.
- Manfaat-manfaat Kehamilan dan Bersalin: 30% daripada Amaun Perlindungan bagi *IKHLASlink* Lady Secure Takaful Rider, tertakluk kepada maksimum RM45,000

Umur Matang:

- Orang Yang Dilindungi mencapai umur 81 tahun pada hari jadi akan datang pada ulang tahun Sijil Takaful bagi Kanser Berkaitan Wanita/ Penyakit Berkaitan Wanita.
- Orang Yang Dilindungi mencapai umur 46 tahun pada hari jadi akan datang pada ulang tahun Sijil Takaful bagi Manfaat-manfaat Kehamilan dan Bersalin.

6. Terma / syarat tambahan

Tempoh Menunggu untuk pelan ini bagi

- (i) kelayakan Kanser Berkaitan Wanita atau Penyakit Berkaitan Wanita di bawah Sijil Tambahan Rider ini hanya akan bermula selepas enam puluh (60) hari dari Tarikh Terbitan atau mana-mana Tarikh Penguatkuasaan Semula;
- (ii) manfaat mengandung dan bersalin ialah 10 bulan berikutan selepas dari tarikh Terbitan atau mana-mana Tarikh Penguatkuasaan Semula; dan
- (iii) Tempoh Menunggu tidak dikenakan ke atas manfaat Dihospitalkan di ICU/ HDU Akibat Daripada Kelahiran Pra-matang dan Inkubasi Serta-merta Selepas Kelahiran. Manfaat-manfaat tersebut berkuatkuasa dengan serta-merta selepas kelahiran.

7. Apakah pengecualian utama yang terdapat di dalam Sijil Takaful ini?

Sijil Takaful Tambahan ini tidak melindungi sebarang penyakit kritikal yang disebabkan secara langsung atau tidak langsung, sepenuhnya atau sebahagiannya, oleh salah satu dari kejadian berikut:

Pengecualian untuk Manfaat Kanser Berkaitan Wanita & Penyakit Berkaitan Wanita:

- a) Sebarang Kanser Berkaitan Wanita/ Penyakit Berkaitan Wanita, yang berlaku sebelum hari ke enam puluh (60) selepas tarikh kuat kuasa atau penguatkuasaan semula Sijil Takaful Tambahan ini, yang mana terdahulu; atau
- b) Sebarang Kanser Berkaitan Wanita/ Penyakit Berkaitan Wanita, yang berlaku pada tarikh kuat kuasa atau penguatkuasaan semula Sijil Takaful Tambahan ini, yang mana terdahulu; atau sebarang Kanser Berkaitan Wanita/ Penyakit Berkaitan Wanita yang disebabkan oleh kecederaan diri sendiri yang disengajakan dalam keadaan siuman atau tidak siuman.
Pengecualian Manfaat Kehamilan dan Bersalin:
- c) Sebarang peristiwa Kehamilan atau Bersalin, yang berlaku sebelum sepuluh (10) bulan daripada tarikh kuat kuasa atau penguatkuasaan semula Sijil Takaful Tambahan, yang mana terdahulu; atau

d) Sebarang peristiwa Kehamilan atau Bersalin, yang wujud pada tarikh kuat kuasa atau penguatkuasaan semula Sijil Takaful Tambahan, yang mana terdahulu; atau sebarang peristiwa Kehamilan atau Bersalin yang disebabkan oleh kecederaan diri sendiri yang disengajakan dalam keadaan siuman atau tidak siuman.

Lain-lain Pengecualian:

- e) Peperangan, penaklukan, ancaman musuh luar, permusuhan atau operasi-operasi berbentuk peperangan (sama ada peperangan diisytiharkan ataupun tidak) atau perang saudara;
- f) Pemberontakan, rusuhan awam, pemberontakan tentera atau orang awam, insurreksi, penentangan, revolusi, perintah berkurung atau darurat atau apa-apa jua peristiwa ataupun penyebab yang boleh menentukan pengisytiharan ataupun penyelenggaraan perintah berkurung ataupun darurat;
- g) Sebarang kegiatan penganas. Untuk tujuan ini kegiatan keganasan bermaksud perlakuan atau perbuatan, termasuklah tetapi tidak terhad kepada penggunaan sebarang kuasa atau kekerasan atau kekejaman dan/atau ancaman dari situ, oleh mana-mana orang perseorangan atau kumpulan, sama ada bertindak secara persendirian atau berdasarkan perhubungan dengan mana-mana organisasi atau organisasi-organisasi atau kerajaan atau kerajaan-kerajaan, dilakukan atas sebab-sebab politik, keagamaan, ideologi atau sebarang niat mempengaruhi sebarang kerajaan atau organisasi dan / atau menyebabkan pihak awam, atau sebahagian darinya berada di dalam ketakutan;
- h) Disebabkan oleh atau lanjutan daripada bunuh diri atau cubaan membunuh diri dalam tempoh satu tahun dari tarikh Sijil Takaful berkuatkuasa atau mencederakan diri sendiri dengan sengaja atau di bawah pengaruh alkohol atau narkotik atau dadah atau ketidaksiuman atau disebabkan oleh penyakit kelamin;
- i) Ketidakupayaan yang ditanggung oleh Orang Yang Dilindungi apabila melibatkan diri, mengendalikan atau melakukan servis, menaiki atau menuruni daripada atau dengan sebarang alat penerbangan atau kenderaan termasuk terjunan udara, payung terjun, lompatan bungee, peluncuran gantung atau belon udara kecuali apabila Orang Yang Dilindungi berada di dalam kapal terbang yang dikendalikan oleh penerbangan komersial dengan jadual penerbangan yang teratur mengikut destinasi yang telah ditetapkan;
- j) Sebarang ketidakpatuhan undang-undang oleh Orang Yang Dilindungi atau kesalahan yang dicituskan olehnya;
- k) Kecederaan yang disebabkan oleh pembelahan nuklear, percantuman nuklear, alat senjata nuklear atau pencemaran radioaktif;
- l) Sebarang keadaan sedia ada sebelum penerimaan perlindungan;
- m) Jika penyakit tersebut didiagnos dalam tempoh tiga puluh (30) hari dari tarikh pengeluaran Sijil Takaful Tambahan ini atau tarikh penguatkuasaan semula, yang mana terkemudian, kecuali jika disebabkan oleh Kemalangan;
- n) Bagi Kanak-kanak sebagai Orang Yang Dilindungi, sebarang kecacatan atau kekurangan semenjak lahir adalah dikecualikan.

8. Bolehkah Sijil Takaful ini dibatalkan?

Jika anda mendapati rider ini tidak lagi bersesuaian, anda boleh membatalkannya dengan memaklumkan kepada kami secara bertulis.

9. Apakah yang perlu dilakukan sekiranya terdapat perubahan kepada maklumat untuk dihubungi?

Adalah penting anda memaklumkan kepada kami sebarang perubahan pada maklumat/alamat untuk memastikan semua komunikasi perhubungan sampai kepada anda dalam jangka masa ditetapkan.

10. Bagaimanakah saya boleh mendapatkan maklumat lanjut?

Jika anda memerlukan maklumat tambahan mengenai Takaful Berkaitan Pelaburan dan/atau Takaful Perubatan dan Kesihatan, sila rujuk kepada buku insurance info mengenai 'Takaful Berkaitan Pelaburan' dan/atau 'Takaful Perubatan dan Kesihatan', yang boleh didapati di semua cawangan kami ataupun anda boleh memperolehnya daripada ejen Takaful kami atau lawati www.insuranceinfo.com.my.

11. Produk seumpama yang boleh didapati?

Tiada

NOTA PENTING:

ANDA HENDAKLAH MEMASTIKAN BAHAWA SIJIL TAKAFUL INI MEMENUHI KEPERLUAN ANDA. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN EJEN ATAU MENGHUBUNGI PENGENDALI TAKAFUL SECARA TERUS UNTUK MAKLUMAT SELANJUTNYA.